

Canllaw Myfyrwyr i Arholiadau yng Ngholeg Gŵyr Abertawe 22/23

Mae'r holl arholiadau ac asesiadau yn rhedeg yn ôl rheoliadau JCQ neu'r rheoliadau cyfatebol a nodwyd gan y Corff Dyfarnu.

Gweithdrefnau Cofrestru

Yn gyffredinol, bydd ein darlithydd yn gwneud y cofrestriad ar eich rhan. Yn achos arholiadau ar alw, bydd eich darlithydd yn cadarnhau dyddiad, amser a lleoliad eich arholiad.

Yn achos arholiadau TAG cyfres yr haf, sef TGAU, Safon Uwch/UG, byddwch yn derbyn datganiad cofrestru y dylech chi ei wirio. Bydd eich darlithydd yn cadarnhau lleoliadau'r arholiadau hyn, ond byddan nhw hefyd i'w gweld ar hysbysfyrddau'r arholiadau.

Manylion cyswllt

Cysylltwch â'r tîm arholiadau os oes gennych ymholiadau ynghylch eich cofrestriadau, trefniadau mynediad, gwrthdaro yn yr amserlen, salwch ar y diwrnod, canlyniadau ac apeliadau.

Gorseinon – Swyddfa Arholiadau 01792 890773

Tycoch – Swyddfa Arholiadau 01792 284006

Ymddygiad mewn Arholiadau

Mae Cod Ymddygiad y Myfyrwyr yn parhau i fod yn berthnasol. Yn ogystal, bydd rhaid cynnal safonau ymddygiad penodol yn yr ystafelloedd arholiadau, gall methu â gwneud hynny arwain at ddiarddel. Rhaid i chi wrando ar y goruchwyliwr, a rhaid i chi beidio ag aflonyddu ar fyfyrwyr eraill unwaith y bydd y goruchwyliwr wedi dechrau'r arholiad. Os oes angen sylw'r goruchwyliwr arnoch, rhaid i chi godi'ch llaw. Ni ddylech adael yr ystafell heb gwmni os ydych am ddychwelyd i gwblhau eich arholiad.

Disgwylir i chi gyrraedd o leiaf 15 munud cyn dechrau'ch arholiad, ac ymddwyn yn unol â'r rheoliadau a osodwyd gan y Byrddau Arholi, [darllenwch y rhain yn y dogfennau "Gwybodaeth i Ymgeiswyr" dogfennau a ddarganfuwyd ar y porth myfyrwyr](https://studentportal.gcs.ac.uk/exams-and-assessments/)
<https://studentportal.gcs.ac.uk/exams-and-assessments/>

Dim ond eitemau a ganiateir y byddwch chi'n gallu dod â nhw gyda chi i'r ystafell arholiadau.

Dylech chi ddod â'r canlynol gyda chi:

- Rhif Adnabod Myfyriwr
- Nwyddau ysgrifennu ac offer sydd eu hangen ar gyfer yr arholiad naill ai yn rhydd neu mewn cas pensiliau heb ei farcio. Bydd angen pen inc du arnoch.
- Rhif yr ymgeisydd

Os hoffech chi ddod â photelaidd fach o ddŵr gyda chi, dylai fod heb label, a'i rhoi ar y llawr wrth ochr eich desg.

MAE'N BOSIBL Y BYDD EICH EIDDO YN CAEL EU GADAEI HEB ORUCHWYLIAETH YN YSTOD EICH ARHOLIADAU AC FELLY DYLECH ADAEL PETHAU GWERTHFAWR GARTREF.

Ni ddylech ddod â'r canlynol gyda chi (dylech chi adael y rhain yn y storfa fagiau cyn dod i mewn i'r ystafell arholiadau)

- Nodiadau (i'r ystafell arholiadau)
- Ffôn symudol, i-pod, mp3/4 neu debyg
- Oriawr

Trefniadau Mynediad

Rhaid cymeradwyo'r rhain ymlaen llaw. Eich cyfrifoldeb chi yw rhoi gwybod i ni os ydych yn gymwys ar gyfer y rhain, ac nid ydynt wedi'u rhestru ar eich datganiad cofrestru neu'ch e-CDU. Os felly, mae angen i chi siarad â'ch darlithydd a'r Tîm Cymorth Dysgu.

Cyrraedd yn Hwyr / Absenoldeb

Arholiadau ar alw - Gwiriwch ddyddiadau ac amserau pob un o'ch Arholiadau, os byddwch yn gwneud camgymeriad neu'n colli'ch cludiant, bydd dyddiad arholiad arall yn cael ei drefnu ar eich cyfer yn ddiweddarach yn y flwyddyn.

Os byddwch yn methu eich arholiad yn gyfan gwbl bydd angen i chi roi gwybod i'r Swyddfa Arholiadau er mwyn sicrhau nad yw'r arholiad yn cael ei ohirio tra byddwn yn ceisio dod o hyd i chi.

Os ydych yn sâl iawn neu yn yr ysbyty yna bydd angen i chi ddod â thystiolaeth o hyn (llythyr meddyg teulu) i'r Swyddfa Arholiadau. Gall fod yn bosibl gwneud cais i'r corff dyfarnu am Ystyriaeth Arbennig. Bydd angen i chi lenwi a llofnodi'r ffurflenni cais angenrheidiol sydd ar gael gan y Swyddog Arholiadau.

Arholiadau dyddiedig/TAG - Gwiriwch ddyddiadau ac amserau pob un o'ch Arholiadau. Os byddwch yn gwneud camgymeriad neu os ydych wedi diuno'n hwyr ac wedi colli'ch cludiant i'r Coleg sy'n eich gwneud yn hwyr, dim ond os byddwch yn cyrraedd erbyn 10am (arholiad y bore) neu 2.30 pm (arholiad prynhawn) y caniateir i chi sefyll yr arholiad. Os byddwch yn cyrraedd yn hwyr rhaid i chi fynd yn syth i'r Swyddfa Arholiadau i adrodd i mewn. Byddwn yn ymdrechu i roi amser llawn yr arholiad i chi ond bydd hyn yn dibynnu ar bob arholiad. Os byddwch yn cyrraedd ar ôl yr amserau hyn bydd angen hysbysu'r corff dyfarnu. Bydd y Swyddog Arholiadau yn penderfynu a fyddwch yn gallu sefyll yr arholiad.

Os byddwch yn methu eich arholiad yn gyfan gwbl bydd angen i chi roi gwybod i'r Swyddfa Arholiadau er mwyn sicrhau nad yw'r arholiad yn cael ei ohirio tra byddwn yn ceisio dod o hyd i chi.

Os ydych yn sâl iawn neu yn yr ysbyty bydd angen i chi ddod â thystiolaeth o hyn (llythyr meddyg teulu) i'r Swyddfa Arholiadau. Gall fod yn bosibl gwneud cais i'r corff dyfarnu am Ystyriaeth Arbennig. Bydd angen i chi lenwi a llofnodi'r ffurflenni cais angenrheidiol sydd ar gael gan y Swyddog Arholiadau.

Gwaith Cwrs ac Asesiad Di-arholiad

Os oes gan unrhyw ran o'ch cymhwyster Safon Uwch neu TGAU elfen a asesir yn fewnol, heb arholiad – hynny yw, rydych chi wedi cwblhau gwaith cwrs neu asesiad dan reolaeth sy'n cyfrannu at eich gradd derfynol bydd eich marciau yn cael eu rhannu â chi cyn cael eu cyflwyno i'r Corff Dyfarnu. Bydd eich darlithwyr yn rhoi'r dyddiad hwn i chi, a phan gewch eich marciau gallwch chi ofyn am adolygiad o'r marciau.

Gwaith Cwrs – darllen Coursework Student Guidance (Cymraeg)

Asesiad dan Reolaeth – darllen Controlled Assessment Student Guidance (Cymraeg)

Cofiwch, mae'r marc a ddyfernir gan eich darlithydd yn un dros dro a gallai fynd i fyny neu i lawr pan fydd y Corff Dyfarnu yn cynnal y broses gymedroli.

Os oes gennych unrhyw gwestiynau neu bryderon, siaradwch â'ch darlithydd.

Canlyniadau Arholiadau

Mae rhai canlyniadau cymwysterau galwedigaethol yn cael eu cyhoeddi yn fuan wedi i ni wneud yr hawliad. Mae dyddiadau penodedig ar gyfer canlyniadau cymwysterau eraill fel isod:

Safon Uwch, Galwedigaethol Lefel 3 a Bagloriaeth Cymru	Dydd Iau 17 Awst 2023
TGAU a Galwedigaethol Lefel 1 a 2	Dydd Iau 24 Awst 2023

Os nad oes dyddiad penodedig, bydd eich canlyniadau i'w gweld ar e-CDU, a byddwch yn derbyn eich tystysgrif cymhwyster yn y post.

Os oes dyddiadau penodedig ar gyfer y canlyniadau, byddwch yn derbyn Datganiad Canlyniadau wedi'i brintio, ac os na fyddwch yn ei gasglu byddwn ni'n ei bostio atoch yn nes ymlaen ar y diwrnod canlyniadau.

Os na allwch chi gasglu'ch canlyniadau, bydd angen i chi roi awdurdod ysgrifenedig (nid neges destun nac e-bost) i ganiatáu i rywun arall eu casglu ar eich rhan. Ni allwn roi canlyniadau dros y ffôn neu ar e-bost, o dan unrhyw amgylchiadau.

Bydd canlyniadau ar gael hefyd drwy'r e-CDU ar y dyddiadau uchod.

Bydd manylion sut i gasglu'ch canlyniadau yn cael eu cyhoeddi ar ein gwefan yn nes at ddyddiad rhyddhau'r canlyniadau.

Apeliadau a Gwasanaethau Ôl-ganlyniadau

Os hoffech chi apelio yn erbyn eich gradd, mae'r gwasanaethau ôl-ganlyniadau yn weithredol eleni. Dylech chi ddarllen y canllawiau y byddwn ni'n eu cyhoeddi gyda'ch canlyniadau, gan roi sylw arbennig i'r dyddiadau cau ar gyfer y gwasanaeth sydd ei angen arnoch. Byddwch chi'n gwneud cais trwy Swyddfa Arholiadau'r Coleg, a bydd gofyn i chi lenwi ffurflen a llofnodi eich bod yn deall y broses, ac y gall graddau fynd i lawr yn ogystal ag i fyny.

Er enghraifft, bydd rhaid i ymgeiswyr Safon Uwch sydd angen gwasanaeth ôl-ganlyniadau Gwasanaeth 2 â blaenoriaeth (deiliaid lleoedd Prifysgol) gael eu gwneud erbyn 24 Awst 2022, trwy'r Swyddfa Arholiadau.

Cyngor ac Awgrymiadau

Mae'r Byrddau Arholi yn cynnig cyngor ac awgrymiadau ar eu gwefannau. Efallai y byddwch chi am edrych ar yr adnoddau sydd ar gael i'ch helpu i baratoi ar gyfer arholiad y cymhwyster rydych chi'n ei ddilyn. Dyma rai ohonyn nhw:

CBAC <https://www.cbac.co.uk/home/cefnogaeth-i-fyfyrwyr/>

Cymwysterau Cymru <https://www.qualificationswales.org/cymraeg/cymwysterau-2022-2023/dysgwyr-rhieni-a-gofalwyr/>

Pearson BTEC <https://qualifications.pearson.com/en/support/support-for-you/students.html>

OCR <https://ocr.org.uk/students/exam-support/>

AQA <https://www.aqa.org.uk/student-and-parent-support>

Mae Llywodraeth Cymru mewn partneriaeth â Gyrfa Cymru, e-sgol, Cymwysterau Cymru a CBAC wedi sicrhau bod yr adnoddau hyn ar gael drwy **hwb cynnwys Dal Ati i Ddysgu**.
Edrychwch ar yr adnoddau hyn https://llyw.cymru/lefel-nesa-cymru?_ga=2.43032293.1979402150.1646816412-2068081442.1632401772